



Vischnaunca  
**Tujetsch**

# Messadi

**per la 17avla radunonza da vischnaunca**

**da mesjamna, ils 17 da zercladur 2026 allas 19.00**

**ella sala da scola a Sedrun**


## **Tractandas:**

1. Beinvegni e constataziuns
2. Protocol dalla radunonza da vischnaunca nr. 15 dils 22 d'avrel 2026
3. Elecziun dils commembers dallas cumissiuns permanentas (cumissiun da baghegiar e cumissiun da verificaziun) pil trienni 2026-2029
4. Informaziun davart il project da sanaziun e valurisaziun dil baghetg dalla Scola Sedrun
5. Orientaziuns
6. Varia

## **Suprastonza communal Tujetsch**

President communal  
Martin Cavegn

Vicepresident communal  
Daniel Schmid



Vischnaunca  
**Tujetsch**

**Elecziun dils commembers dallas cumissiuns  
permanentas (cumissiun da baghegiar e cumissiun da  
verificaziun) pil trienni 2026-2029**

**Messadi**

dalla suprastonza communal per la radunonza da vischnaunca  
dils 17 da zercladur 2026

Stimada convischina e preziau convischin

Per la tractaziun dalla fatschenta suttametta la suprastanza communal a il suandont messadi:

---

## 1. Situaziun da partenza e ponderaziuns pertuccont la fatschenta

Sco stipulau egl art. 35 lit. m dalla constituziun communal, ha la radunonza da vischnaunca l'incumbensa d'eleger ils commembers dallas cumissiuns permanentas.

Tenor art. 20 lit. 3 dalla lescha davart ils dretgs politics succedan elecziuns alla radunonza da vischnaunca cun maunpli, aschinavon ch'ei ha buca dapli candidats che persunas ch'ei d'eleger. Per il post vacant dalla cumissiun da baghegiar havein nus dapli candidats che posts libers. Aschia sto l'elecziun succeder en moda da scrutini.

Ella Tuatschina dils 9 da schaner 2026 ei vegniu publicau ch'ins sappi demissionar siu post entochen ils 23 da schaner 2026. El fratemp ha Franz Decurtins inoltrau sia demission sco commember dalla cumissiun da baghegiar. Quei munta ch'els ulteriurs candidats semettan a disposiziun per in'ulteriura perioda d'uffeci. Ella Tuatschina dils 6 da fevrer 2026 ed ella Tuatschina dils 20 da mars 2026 ei vegniu publicau d'inoltrar propostas per novas commembras e novs commembers.

### Cumissiun da baghegiar (art. 5 dalla lescha da baghegiar)

Suandonts 6 commembers stattan a disposiziun per la cumissiun da baghegiar che consista da 4 commembers (1 commember ex officio/suprastanza). Quest'elecziun sto succeder en moda da scrutini.

Hubert Solèr, 1968, cauluvrer, Sedrun (veder)

Bruno Caduff, 1987, cussegliader d'energia, Sedrun (veder)

Ursin Schmid, 1974, meinafatschenta, Bugnei (veder)

Martin Cavegn, 1992, inschignier energias regenerablas, Sedrun (**niev**)

Vendelin Cavegn, 1972, responsabel da project, Rueras (**niev**)

Gabriel Giossi, 1972, sorprendider, Camischolas (**niev**)

### Suppleants cumissiun da baghegiar

Quest'elecziun sa succeder cun maunpli cun quei ch'ei ha buca dapli candidats che posts libers.

Vinavon stattan suandonts commembers a disposiziun sco suppleants per la cumissiun da baghegiar:

Martin Cavegn, 1992, inschignier energias regenerablas, Sedrun (veder)

Marcus Munsch, 1952, pensiunau, Sedrun (veder)

### Cumissiun da verificaziun (art. 9 dalla lescha davart ils dretgs politics dalla vischnaunca da Tujetsch)

Suandonts commembras e suandont commember stattan a disposiziun per la cumissiun da verificaziun che consista da 3 commembers. Quest'elecziun sa succeder cun maunpli cun quei ch'ei ha buca dapli candidats che posts libers.

Flurina Deragisch, 1973, planisadra, Bugnei (veder)


Rezia Giger, 1984, ergoterapeuta, Selva (veder)

Guido Flepp, 1959, pensiunau, Rueras (veder)


### Proposta:

**La suprastanza communal propona d'eleger la cumissiun da baghegiar ed ils suppleants tenor art. 20 dalla lescha davart ils dretgs politics e la cumissiun da verificaziun en globo cun maunpli.**

### Suprastanza communal Tujetsch

  
President communal  
Martin Cavegn

  
Vicepresident communal  
Daniel Schmid



Vischnaunca  
**Tujetsch**

**Informaziun davart il project da sanaziun e valurisaziun dil  
baghetg dalla Scola Sedrun**

La vischnaunca preveda la sanaziun e la valorisaziun dalla casa da scola a Sedrun. Il project ei vegnius elaboraus entras il biro d'architectura albertin architekten a Haldenstein. Per il schazetg dils cuosts ei André Maissen dil biro d'architectura maissen architekten ag da Sedrun vegnius consultaus. Plinavon ein plirs planisaders dil fatg stai involvai tier l'elaboraziun dil project.

La suprastanza communal ha plinavon installau ina grupp da lavur che accumpogna il project e collaborescha activamein culs planisaders. A quell'appartegnan las suandontas personas:

- Guido Monn (gerau departament baghegiar, forestalessen ed ambient)
- Daniel Schmid (gerau affons, giuvenils e giuvenns carschi, educaziun, cultura e sport)
- Sabrina Suppiger-Hendry (direcziun da scola)
- Andreas Deflorin (pedel da scola)
- Ronny Levy (cussegl da scola)

La sanaziun cumpeggia la reconstrucziun e la revaletaziun dil baghetg da scola existent cun in baghetg annex, la construcziun d'ina nova garascha per la habitaziun dil pedel, la sanaziun dalla scoletta sco era la renovaziun dalla halla da gimnastica veglia e sia midada d'utilisaziun ad ina sala da cultura.

Ina dallas pli grondas sfidas e facturs da cuosts dalla sanaziun ei da garantir la segirtad en connex cun la protecziun encunter incendis, cun la segirtad encunter tiaratriembels e la protecziun encunter radon che ston corrispunder allas normas e pretensiuns legalas dad oz. Plinavon duein personas cun handicap (p.ex. personas che sesan en ina sutga da rodas) vegnir risguardadas tier la sanaziun dil baghetg existent.

Cun quella sera d'informaziun vul la suprastanza communal informar la populaziun davart il stan actual dil project. Ils plans davart la sanaziun dalla casa da scola vegnan exponi sin nossa pagina d'internet ([www.tujetsch.ch](http://www.tujetsch.ch)). Personas che vulan prender envesta dils plans fisics, san far quei tier l'administraziun communal duront las uras da spurtegl usitadas senza preannunzia. Il project duei silsuenter vegnir presentaus definitivamein la stad 2026 alla radunonza da vischnaunca e deliberaus per mauns dalla votaziun all'urna.

